

המלך אחשורוש¹¹ להביא את ושתי המלכה לפני המלך בכתר מלכות להראות העמים והשרים את יפיה כי טובת מראה היא¹² ותמאן המלכה ושתי לבוא בדבר המלך אשר ביד הסריסים ויקצף המלך מאד וחמתו בערה בו¹³ ויאמר המלך לחכמים ידעי העתים כי כן דבר המלך לפני כל ידעי דת ודין¹⁴ והקרב אליו^v כרשנא שתר אדמתא תרשיש מרס מרסנא ממוכן שבעת שרי פרס ומדי ראי פני המלך הישבים ראשנה במלכות¹⁵ כדת מה לעשות במלכה ושתי על אשר לא עשתה את מאמר המלך אחשורוש ביד הסריסים ׀¹⁶ ויאמר ממוכן ממוכן לפני המלך והשרים לא על המלך לבדו עותה ושתי המלכה כי על כל השרים ועל כל העמים אשר בכל מדינות המלך אחשורוש¹⁷ כי יצא דבר המלכה על כל הנשים להבזות בעליהן בעיניהן באמרם המלך אחשורוש אמר להביא את ושתי המלכה לפניו ולא באה¹⁸ והיום הזה תאמרנה שרות פרס ומדי אשר שמעו את דבר המלכה לכל שרי המלך וכדי בזיון וקצף¹⁹ אם על המלך טוב יצא דבר מלכות מלפניו ויכתב בדתי פרס ומדי ולא יעבור אשר לא תבוא ושתי לפני המלך אחשורוש ומלכותה יתן המלך

Esther

אסתר

1 ויהי בימי אחשורוש הוא אחשורוש המלך מהדו ועד כוש שבע ועשרים ומאה מדינה² בימים ההם כשבת המלך אחשורוש על כסא מלכותו אשר בשושן הבירה³ בשנת שלוש למלכו עשה משתה לכל שריו ועבדיו חיל פרס ומדי הפרתמים ושרי המדינות לפניו⁴ בהראתו את עשר כבוד מלכותו ואת יקר תפארת גדולתו ימים רבים שמונים ומאת יום⁵ ובמלואת הימים האלה עשה המלך לכל העם הנמצאים בשושן הבירה למגדול ועד קטן משתה שבעת ימים בחצר גנת ביתן המלך⁶ חור כרפס ותכלת אחוז בחבלי בוץ וארגמן על גלילי כסף ועמודי שש מטות זהב וכסף על רצפת בהט ושש ודר וסחרת⁷ והשקות בכלי זהב וכלים מכלים שונים ויין מלכות רב כיד המלך⁸ והשתיה כדת אין אנס כי כן יסד המלך על כל רב ביתו לעשות כרצון איש ואיש⁹ גם ושתי המלכה עשתה משתה נשים בית המלכות אשר למלך אחשורוש ׀¹⁰ ביום השביעי כטוב לב המלך ביין אמר למהומן בזתא חרבונא בגתא ואבגתא זתר וכרכס שבעת הסריסים המשרתים את פני

V We read one or more vowels in L differently from BHQ.

מראה ובמות אביה ואמה לקחה מרדכי לו לבת⁸ ויהי בהשמע דבר המלך ודתו ובהקבץ נערות רבות אל שושן הבירה אל יד הגי ותלקח אסתר אל בית המלך אל יד הגי שמר הנשים⁹ ותיטב הנערה בעיניו ותשא חסד לפניו ויבהל את תמרוקיה ואת מנותה לתת לה ואת שבע הנערות הראיות לתת לה מבית המלך וישנה ואת נערותיה לטוב בית הנשים¹⁰ לא הגידה אסתר את עמה ואת מולדתה כי מרדכי צוה עליה אשר לא תגיד¹¹ ובכל יום ויום מרדכי מתהלך לפני חצר בית הנשים לדעת את שלום אסתר ומה יעשה בה¹² ובהגיע תר נערה ונערה לבוא אל המלך אחשורוש מקץ היות לה כדת הנשים שנים עשר חדש כי כן ימלאו ימי מרוקיהן ששה חדשים בשמן המר וששה חדשים בבשמים ובתמרוקי הנשים¹³ ובזה הנערה באה אל המלך את כל אשר תאמר ינתן לה לבוא עמה מבית הנשים עד בית המלך¹⁴ בערב היא באה ובבקר היא שבה אל בית הנשים שני אל יד שעשגו סריס המלך שמר הפילגשים לא תבוא עוד אל המלך כי אם חפץ בה המלך ונקראה בשם¹⁵ ובהגיע תר אסתר בת אביחיל דד מרדכי אשר לקח לו לבת לבוא אל המלך לא בקשה דבר כי אם את אשר יאמר הגי סריס המלך שמר הנשים ותהי אסתר נשאת חן בעיני כל ראיה¹⁶ ותלקח

לרעותה הטובה ממנה²⁰ ונשמע פתגם המלך אשר יעשה בכל מלכותו כי רבה היא וכל הנשים יתנו יקר לבעליהן למגדול ועד קטן²¹ וייטב הדבר בעיני המלך והשרים ויעש המלך כדבר ממוכן²² וישלח ספרים אל כל מדינות המלך אל מדינה ומדינה ככתבה ואל עם ועם כלשונו להיות כל איש שרר בביתו ומדבר כלשון עמו פ

2 אחר הדברים האלה כשך חמת המלך אחשורוש זכר את ושתי ואת אשר עשתה ואת אשר נגזר עליה² ויאמרו נערי המלך משרתיו יבקשו למלך נערות בתולות טובות מראה³ ויפקד המלך פקידים בכל מדינות מלכותו ויקבצו את כל נערה בתולה טובת מראה אל שושן הבירה אל בית הנשים אל יד הגא סריס המלך שמר הנשים ונתון תמרוקיהן⁴ והנערה אשר תיטב בעיני המלך תמלך תחת ושתי וייטב הדבר בעיני המלך ויעש כן ס⁵ איש יהודי היה בשושן הבירה ושמו מרדכי בן יאיר בן שמעי בן קיש איש ימיני⁶ אשר הגלה מירושלים עם הגלה אשר הגלתה עם יכניה מלך יהודה אשר הגלה נבוכדנאצר מלך בבל⁷ ויהי אמן את הדסה היא אסתר בת דדו כי אין לה אב ואם והנערה יפת תאר וטובת

בשער המלך למרדכי מדוע אתה עובר
את מצות המלך⁴ ויהי באמרם כאמרם
אליו יום ויום ולא שמע אליהם ויגידו
להמן לראות היעמדו דברי מרדכי כי
הגיד להם אשר הוא יהודי⁵ וירא המן כי
אין מרדכי כרע ומשתחוה לו וימלא המן
חמה⁶ ויבז בעיניו לשלח^U יד במרדכי
לבדו כי הגידו לו את עם מרדכי ויבקש
המן להשמיד את כל היהודים אשר בכל
מלכות אחשורוש עם מרדכי⁷ בחדש
הראשון הוא חדש ניסן בשנת שתיים
עשרה למלך אחשורוש הפיל פור הוא
הגורל לפני המן מיום ליום ומחדש לחדש
שנים עשר הוא חדש אדר ס⁸ ויאמר
המן למלך אחשורוש ישנו עם אחד
מפזר ומפרד בין העמים בכל מדינות
מלכותך ודתייהם שנות מכל עם ואת דתי
המלך אינם עשים ולמלך אין שוה
להניחם⁹ אם על המלך טוב יכתב
לאבדם ועשרת אלפים ככר כסף אשקול
על ידי עשי המלאכה להביא אל גנזי
המלך¹⁰ ויסר המלך את טבעתו מעל ידו
ויתנה להמן בן המדתא האגגי צרר
היהודים¹¹ ויאמר המלך להמן הכסף נתון
לך והעם לעשות בו כטוב
בעיניך¹² ויקראו ספרי המלך בחדש
הראשון בשלושה עשר יום בו ויכתב
ככל אשר צוה המן אל אחשדרפני המלך

אסתר אל המלך אחשורוש אל בית
מלכותו בחדש העשירי הוא חדש טבת
בשנת שבע למלכותו¹⁷ ויאהב המלך את
אסתר מכל הנשים ותשא חן וחסד לפניו
מכל הבתולת וישם כתר מלכות בראשה
וימליכה תחת ושתי¹⁸ ויעש המלך
משתה גדול לכל שריו ועבדיו את משתה
אסתר והנחה למדינות עשה ויתן משאת
כיד המלך¹⁹ ובהקבץ בתולות שנית
ומרדכי ישב בשער המלך²⁰ אין אסתר
מגדת מולדתה ואת עמה כאשר צוה
עליה מרדכי ואת מאמר מרדכי אסתר
עשה כאשר היתה באמנה
אתו ס²¹ בימים ההם ומרדכי ישב
בשער המלך קצף בגתן ותרש שני סריסי
המלך משמרי הסף ויבקשו לשלח יד
במלך אחשורוש²² ויודע הדבר למרדכי
ויגד לאסתר המלכה ותאמר אסתר למלך
בשם מרדכי²³ ויבקש הדבר וימצא ויתלו
שניהם על עץ ויכתב בספר דברי הימים
לפני המלך פ

3 אחר הדברים האלה גדל המלך
אחשורוש את המן בן המדתא האגגי
וינשאהו וישם את כסאו מעל כל השרים
אשר אתו² וכל עבדי המלך אשר בשער
המלך כרעים ומשתחויים להמן כי כן צוה
לו המלך ומרדכי לא יכרע ולא
ישתחוה³ ויאמרו עבדי המלך אשר

U We agree with both BHS 1997 and BHQ on an unexpected reading.

ולהסיר שקו מעליו ולא קבל⁵ ותקרא
 אסתר להתך מסריסי המלך אשר העמיד
 לפניו ותצוהו על מרדכי לדעת מה זה
 ועל מה זה⁶ ויצא התך אל מרדכי אל
 רחוב העיר אשר לפני שער המלך⁷ ויגד
 לו מרדכי את כל אשר קרהו ואת פרשת
 הכסף אשר אמר המן לשקול על גנזי
 המלך **ביהודיים** **ביהודים**^y לאבדם⁸ ואת
 פתשגן כתב הדת אשר נתן בשושן
 להשמידם נתן לו להראות את אסתר
 ולהגיד לה ולצוות עליה לבוא אל המלך
 להתחנן לו ולבקש מלפניו על
 עמה⁹ ויבוא התך ויגד לאסתר את דברי
 מרדכי¹⁰ ותאמר אסתר להתך ותצוהו אל
 מרדכי¹¹ כל עבדי המלך ועם מדינות
 המלך יודעים אשר כל איש ואשה אשר
 יבוא אל המלך אל החצר הפנימית אשר
 לא יקרא אחת דתו להמית לבד מאשר
 יושיט לו המלך את שרביט הזהב וחיה
 ואני לא נקראתי^{vQ} לבוא אל המלך זה
 שלוש יום¹² ויגידו למרדכי את דברי
 אסתר פ
¹³ ויאמר מרדכי להשיב אל אסתר אל
 תדמי בנפשך להמלט בית המלך מכל
 היהודים¹⁴ כי אם החרש תחרישי בעת
 הזאת רוח והצלה יעמוד ליהודים ממקום

y Yathir readings in L which we have designated as Qeres when both Dothan and BHS list a Qere.

Q Marks a place where we agree with BHQ against BHS in reading L.

v We read one or more vowels in L differently from BHS.

ואל הפחות אשר על מדינה ומדינה ואל
 שרי עם ועם מדינה ומדינה ככתבה ועם
 ועם כלשונו בשם המלך אחשורש נכתב
 ונחתם בטבעת המלך¹³ ונשלוח ספרים
 ביד הרצים אל כל מדינות המלך
 להשמיד להרג ולאבד את כל היהודים
 מנער ועד זקן טף ונשים ביום אחד
 בשלושה עשר לחדש שנים עשר הוא
 חדש אדר ושללם לבוז¹⁴ פתשגן הכתב
 להנתן דת בכל מדינה ומדינה גלוי לכל
 העמים להיות עתדים ליום הזה¹⁵ הרצים
 יצאו דחופים בדבר המלך והדת נתנה
 בשושן הבירה והמלך והמן ישבו לשתות
 והעיר שושן נבוכה פ

4 ומרדכי ידע את כל אשר נעשה ויקרע
 מרדכי את בגדיו וילבש שק ואפר ויצא
 בתוך העיר ויזעק זעקה גדלה
 ומרה² ויבוא עד לפני שער המלך כי אין
 לבוא אל שער המלך בלבוש שק³ ובכל
 מדינה ומדינה מקום אשר דבר המלך
 ודתו מגיע אבל גדול ליהודים וצום ובכי
 ומספד שק ואפר יצע
 לרבים⁴ ותבואינה^{qnQ} נערות אסתר
 וסריסיה ויגידו לה ותתחלחל המלכה
 מאד ותשלח בגדים להלביש את מרדכי

Q Marks a place where we agree with BHQ against BHS in reading L.

n Marks an anomalous form.

q We have abandoned or added a ketib/qere relative to BHS. In doing this we agree with L against BHS.

מצאתי חן בעיני המלך ואם על המלך טוב לתת את שאלתי ולעשות את בקשתי יבוא המלך והמן אל המשתה אשר אעשה להם ומחר אעשה כדבר המלך⁹ ויצא המן ביום ההוא שמח וטוב לב וכראות המן את מרדכי בשער המלך ולא קם ולא זע ממנו וימלא המן על מרדכי חמה¹⁰ ויתאפק המן ויבוא אל ביתו וישלח ויבא את אהביו ואת זרש אשתו¹¹ ויספר להם המן את כבוד עשרו ורב בניו ואת כל אשר גדלו המלך ואת אשר נשאו על השרים ועבדי המלך¹² ויאמר המן אף לא הביאה אסתר המלכה עם המלך אל המשתה אשר עשתה כי אם אותי וגם למחר אני קרוא לה עם המלך¹³ וכל זה איננו שוה לי בכל עת אשר אני ראה את מרדכי היהודי יושב בשער המלך¹⁴ ותאמר לו זרש אשתו וכל אהביו יעשו עץ גבה חמשים אמה ובבקר אמר למלך ויתלו את מרדכי עליו ובא עם המלך אל^{pQ} המשתה שמח וייטב הדבר לפני המן ויעש פ

6 בלילה ההוא נדדה שנת המלך ויאמר להביא את ספר הזכרונות דברי הימים ויהיו נקראים לפני המלך² וימצא כתוב

אחר ואת ובית אביך תאבדו ומי יודע אם לעת כזאת הגעת למלכות¹⁵ ותאמר אסתר להשיב אל מרדכי¹⁶ לך כנוס את כל היהודים הנמצאים בשושן וצומו עלי ואל תאכלו ואל תשתו שלשת ימים לילה ויום גם אני ונערתי אצום כן ובכן אבוא אל המלך אשר לא כדת וכאשר אבדתי אבדתי¹⁷ ויעבר מרדכי ויעש ככל אשר צותה עליו אסתר ס

5 ויהי ביום השלישי ותלבש אסתר מלכות ותעמד בחצר בית המלך הפנימית נכח בית המלך והמלך יושב על כסא מלכותו בבית המלכות נכח פתח הבית² ויהי כראות המלך את אסתר המלכה עמדת בחצר נשאה חן בעיניו ויושט המלך לאסתר את שרביט הזהב אשר בידו ותקרב אסתר ותגע בראש השרביט ס³ ויאמר לה המלך מה לך אסתר המלכה ומה בקשתך עד חצי המלכות וינתן לך⁴ ותאמר אסתר אם על המלך טוב יבוא המלך והמן היום אל המשתה אשר עשיתי לו⁵ ויאמר המלך מהרו את המן לעשות את דבר אסתר ויבא המלך והמן אל המשתה אשר עשתה אסתר⁶ ויאמר המלך לאסתר במשתה היין מה שאלתך וינתן לך ומה בקשתך עד חצי המלכות ותעש⁷ ותען אסתר ותאמר שאלתי ובקשתי⁸ אם

Q Marks a place where we agree with BHQ against BHS in reading L.

p We read punctuation in L differently from BHS.

והמן נדחף אל ביתו אבל וחפוי ראש¹³ ויספר המן לזרש אשתו ולכל אהביו את כל אשר קרהו ויאמרו לו חכמיו וזרש אשתו אם מזרע היהודים מרדכי אשר החלות לנפל לפניו לא תוכל לו כי נפול תפול לפניו¹⁴ עודם מדברים עמו וסריסי המלך הגיעו ויבהלו להביא את המן אל המשתה אשר עשתה אסתר

7 ויבא המלך והמן לשתות עם אסתר המלכה² ויאמר המלך לאסתר גם ביום השני במשתה היין מה שאלתך אסתר המלכה ותנתן לך ומה בקשתך עד חצי המלכות ותעש³ ותען אסתר המלכה ותאמר אם מצאתי חן בעיניך המלך ואם על המלך טוב תנתן לי נפשי בשאלתי ועמי בבקשתי⁴ כי נמכרנו אני ועמי להשמיד להרוג ולאבד ואלו לעבדים ולשפחות נמכרנו החרשתי כי אין הצר שוה בנזק המלך⁵ ויאמר המלך אחשורוש ויאמר לאסתר המלכה מי הוא זה ואי זה הוא אשר מלאו לבו לעשות כן⁶ ותאמר אסתר איש צר ואויב המן הרע הזה והמן נבעת מלפני המלך והמלכה⁷ והמלך קם בחמתו ממשטה היין אל גנת הביתן והמן עמד לבקש על נפשו מאסתר המלכה כי ראה כי כלתה אליו הרעה מאת המלך⁸ והמלך שב מגנת הביתן אל בית משטה היין והמן

אשר הגיד מרדכי על בגתנא ותרש שני סריסי המלך משמרי הסף אשר בקשו לשלח יד במלך אחשורוש³ ויאמר המלך מה נעשה יקר וגדולה למרדכי על זה ויאמרו נערי המלך משרתיו לא נעשה עמו דבר⁴ ויאמר המלך מי בחצר והמן בא לחצר בית המלך החיצונה לאמר למלך לתלות את מרדכי על העץ אשר הכין לו⁵ ויאמרו נערי המלך אליו הנה המן עמד בחצר ויאמר המלך יבוא⁶ ויבוא המן ויאמר לו המלך מה לעשות באיש אשר המלך חפץ ביקרו ויאמר המן בלבו למי יחפץ המלך לעשות יקר יותר ממני⁷ ויאמר המן אל המלך איש אשר המלך חפץ ביקרו⁸ יביאו לבוש מלכות אשר לבש בו המלך וסוס אשר רכב עליו המלך ואשר נתן כתר מלכות בראשו⁹ ונתון הלבוש והסוס על יד איש משרי המלך הפרתמים והלבישו את האיש אשר המלך חפץ ביקרו והרכיבהו על הסוס ברחוב העיר וקראו לפניו ככה יעשה לאיש אשר המלך חפץ ביקרו¹⁰ ויאמר המלך להמן מהר קח את הלבוש ואת הסוס כאשר דברת ועשה כן למרדכי היהודי היושב בשער המלך אל תפל דבר מכל אשר דברת¹¹ ויקח המן את הלבוש ואת הסוס וילבש את מרדכי וירכיבהו ברחוב העיר ויקרא לפניו ככה יעשה לאיש אשר המלך חפץ ביקרו¹² וישב מרדכי אל שער המלך

ברעה אשר ימצא את עמי ואיככה אוכל
 וראיתי באבדן מולדתי ⁷ ויאמר
 המלך אחשורש לאסתר המלכה
 ולמרדכי היהודי הנה בית המן נתתי
 לאסתר ואתו תלו על העץ על אשר שלח
 ידו **ביהודיים** **ביהודים** ⁸ ואתם כתבו על
 היהודים כטוב בעיניכם בשם המלך
 וחתמו בטבעת המלך כי כתב אשר
 נכתב בשם המלך ונחתום בטבעת המלך
 אין להשיב ⁹ ויקראו ספרי המלך בעת
 ההיא בחדש השלישי הוא חדש סיון
 בשלושה ועשרים בו ויכתב ככל אשר
 צוה מרדכי אל היהודים ואל
 האחשדרפנים והפחות ושרי המדינות
 אשר מהדו ועד כוש שבע ועשרים ומאה
 מדינה מדינה ומדינה ככתבה ועם ועם
 כלשנו ואל היהודים ככתבם
 וכלשונם ¹⁰ ויכתב בשם המלך אחשורש
 ויחתם בטבעת המלך וישלח ספרים ביד
 הרצים בסוסים רכבי הרכש האחשתרנים
 בני הרמכים ¹¹ אשר נתן המלך ליהודים
 אשר בכל עיר ועיר להקהל ולעמד על
 נפשם להשמיד ולהרג ולאבד את כל חיל
 עם ומדינה הצרים אתם טף ונשים
 ושללם לבוז ¹² ביום אחד בכל מדינות
 המלך אחשורש בשלושה עשר לחדש
 שנים עשר הוא חדש אדר ¹³ פתשגן
 הכתב להנתן דת בכל מדינה ומדינה גלוי
 לכל העמים ולהיות **היהודיים** **היהודים** **עתודים**
עתידים ליום הזה להנקם

נפל על המטה אשר אסתר עליה ויאמר
 המלך הגם לכבוש את המלכה עמי בבית
 הדבר יצא מפי המלך לפני המן
 חפו ⁹ ויאמר חרבונה אחד מן
 הסריסים לפני המלך גם הנה העץ אשר
 עשה המן למרדכי אשר דבר טוב על
 המלך עמד בבית המן גבה חמשים אמה
 ויאמר המלך תלהו עליו ¹⁰ ויתלו את המן
 על העץ אשר הכין למרדכי וחמת המלך
 שככה ^פ

8 ביום ההוא נתן המלך אחשורש
 לאסתר המלכה את בית המן צרר **היהודיים**
היהודים ומרדכי בא לפני המלך כי
 הגידה אסתר מה הוא לה ² ויסר המלך
 את טבעתו אשר העביר מהמן ויתנה
 למרדכי ותשם אסתר את מרדכי על בית
 המן ^פ

³ ותוסף אסתר ותדבר לפני המלך ותפל
 לפני רגליו ותבך ותתחנן לו להעביר את
 רעת המן האגגי ואת מחשבתו אשר
 חשב על היהודים ⁴ ויושט המלך לאסתר
 את שרבת הזהב ותקם אסתר ותעמד
 לפני המלך ⁵ ותאמר אם על המלך טוב
 ואם מצאתי חן לפניו וכשר הדבר לפני
 המלך וטובה אני בעיניו יכתב להשיב את
 הספרים מחשבת המן בן המדתא האגגי
 אשר כתב לאבד את היהודים אשר בכל
 מדינות המלך ⁶ כי איככה אוכל וראיתי

כרצונם⁶ ובשושן הבירה הרגו היהודים
ואבד חמש מאות איש⁷ ואת פרשנדתא
ואת דלפון ואת אספתא⁸ ואת פורתא
ואת אדליא ואת ארידתא⁹ ואת
פרמשתא ואת אריסי ואת ארדי ואת
ויזתא¹⁰ עשרת בני המן בן המדתא צרר
היהודים הרגו ובבזה לא שלחו את
ידם¹¹ ביום ההוא בא מספר ההרוגים
בשושן הבירה לפני המלך ס¹² ויאמר
המלך לאסתר המלכה בשושן הבירה
הרגו היהודים ואבד חמש מאות איש
ואת עשרת בני המן בשאר מדינות
המלך מה עשו ומה שאלתך וינתן לך
ומה בקשתך עוד ותעש¹³ ותאמר אסתר
אם על המלך טוב ינתן גם מחר ליהודים
אשר בשושן לעשות כדת היום ואת
עשרת בני המן יתלו על העץ¹⁴ ויאמר
המלך להעשות כן ותנתן דת בשושן ואת
עשרת בני המן תלו¹⁵ ויקהלון היהודיים
היהודים אשר בשושן גם ביום ארבעה
עשר לחדש אדר ויהרגו בשושן שלש
מאות איש ובבזה לא שלחו את
ידם¹⁶ ושאר היהודים אשר במדינות
המלך נקהלו ועמד על נפשם ונוח
מאיביהם והרג בשנאיהם חמשה ושבעים
אלף ובבזה לא שלחו את ידם¹⁷ ביום
שלשה עשר לחדש אדר ונוח בארבעה
עשר בו ועשה אתו יום משתה
ושמחה¹⁸ והיהודיים והיהודים אשר בשושן

מאיביהם¹⁴ הרצים רכבי הרכש
האחשתרנים יצאו מבהלים ודחופים
בדבר המלך והדת נתנה בשושן הבירה פ
ומרדכי יצא מלפני המלך בלבוש
מלכות תכלת וחור ועטרת זהב גדולה
ותכריך בוץ וארגמן והעיר שושן צהלה
ושמחה¹⁶ ליהודים היתה אורה ושמחה
וששן ויקר¹⁷ ובכל מדינה ומדינה ובכל
עיר ועיר מקום אשר דבר המלך ודתו
מגיע שמחה וששון ליהודים משתה ויום
טוב ורבים מעמי הארץ מתיהדים כי נפל
פחד היהודים עליהם

9 ובשנים עשר חדש הוא חדש אדר
בשלושה עשר יום בו אשר הגיע דבר
המלך ודתו להעשות ביום אשר שברו
איבי היהודים לשלוט בהם ונהפוך הוא
אשר ישלטו היהודים המה
בשנאיהם² נקהלו היהודים בעריהם בכל
מדינות המלך אחשורוש לשלח יד
במבקשי רעתם ואיש לא עמד לפניהם כי
נפל פחדם על כל העמים³ וכל שרי
המדינות והאחשדרפנים והפחות ועשי
המלאכה אשר למלך מנשאים את
היהודים כי נפל פחד מרדכי עליהם⁴ כי
גדול מרדכי בבית המלך ושמעו הולך
בכל המדינות כי האיש מרדכי הולך
וגדול פ
ויכו היהודים בכל איביהם מכת חרב⁵
והרג ואבדן ויעשו בשנאיהם

עליהם ולא יעבור להיות עשים את שני הימים האלה ככתבם וכזמנם בכל שנה ושנה²⁸ והימים האלה נזכרים ונעשים בכל דור ודור משפחה ומשפחה מדינה ומדינה ועיר ועיר וימי הפורים האלה לא יעברו מתוך היהודים וזכרם לא יסוף מזרעם²⁹ ותכתב אסתר המלכה בת אביחיל ומרדכי היהודי את כל תקף לקים את אגרת הפורים הזאת השנית³⁰ וישלח ספרים אל כל היהודים אל שבע ועשרים ומאה מדינה מלכות אחשורוש דברי שלום ואמת³¹ לקים את ימי הפרים האלה בזמניהם כאשר קים עליהם מרדכי היהודי ואסתר המלכה וכאשר קימו על נפשם ועל זרעם דברי הצמות וזעקתם³² ומאמר אסתר קים דברי הפרים האלה ונכתב בספר פ

10 וישם המלך **אחשרש** **אחשורוש** מס על הארץ ואיי הים² וכל מעשה תקפו וגבורתו ופרשת גדלת מרדכי אשר גדלו המלך הלוא הם כתובים על ספר דברי הימים למלכי מדי ופרס³ כי מרדכי היהודי משנה למלך אחשורוש וגדול ליהודים ורצוי לרב אחיו דרש טוב לעמו ודבר שלום לכל זרעו

End of Esther

נקהלו בשלשה עשר בו ובארבעה עשר בו ונוח בחמשה עשר בו ועשה אתו יום משתה ושמחה¹⁹ על כן היהודים **הפרזים** **הפרזים** הישבים בערי הפרזות עשים את יום ארבעה עשר לחדש אדר שמחה ומשתה ויום טוב ומשלוח מנות איש לרעהו פ

²⁰ ויכתב מרדכי את הדברים האלה וישלח ספרים אל כל היהודים אשר בכל מדינות המלך אחשורוש הקרובים והרחוקים²¹ לקים עליהם להיות עשים את יום ארבעה עשר לחדש אדר ואת יום חמשה עשר בו בכל שנה ושנה²² כימים אשר נחו בהם היהודים מאויביהם והחדש אשר נהפך להם מיגון לשמחה ומאבל ליום טוב לעשות אותם ימי משתה ושמחה ומשלוח מנות איש לרעהו ומתנות לאביונים²³ וקבל היהודים את אשר החלו לעשות ואת אשר כתב מרדכי אליהם²⁴ כי המן בן המדתא האגגי צרר כל היהודים חשב על היהודים לאבדם והפיל פור הוא הגורל להמם ולאבדם²⁵ ובבאה לפני המלך אמר עם הספר ישוב מחשבתו הרעה אשר חשב על היהודים על ראשו ותלו אתו ואת בניו על העץ²⁶ על כן קראו לימים האלה פורים על שם הפור על כן על כל דברי האגרת הזאת ומה ראו על ככה ומה הגיע אליהם²⁷ **קימו** **וקבל** **וקבלו** היהודים עליהם ועל זרעם ועל כל הנלוים

The Westminster Leningrad Codex

Version 4.16

Esther

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex

<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24.08. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.27.
Build number: 23.0 . 10 pages. Layout: Full; Content: Consonants.

This document is in the public domain.